



Inatsisartunut ilaasortaq Agathe Fontain, Inuit Ataqtigiit

Pisortanit ikiorsiissutit pillugit § 37 naapertorlugu apeqqummut nr. 253-imut akissut

21. oktober 2015
Suliap nr. 2014-101284
All. Nr. 2045741

Pisortanit ikiorsiissutit pillugit apeqquinnut malitseqartitsissutaasunut qjanaq.

Postboks 260
3900 Nuuk

1. Qaqugu Pisortanut ikorsiissutit pillugit inatsit nutarterneqassava, nutaamilluunniit Naalakkersuisut saqqummiussissappat? Ukioq suna? Ataatsimiinneq sorleq?

Oqarasuaat (+299) 34 50 00
All (+299) 34 66 66
E-mail: iian@nanoq.gl
www.naalakkersuisut.gl

Pisortanit ikiorsiissutit pillugit nutaamik inatsisiliortoqarniarpat Pisortanit ikiorsiissutit pillugit Inatsisartut inatsisissaattut siunnersuummik saqqummiisoqassaaq.

Inatsisissap nutaap suliarineqarnera piffissamik atuiffiusussaavoq, soorluttaarlu inatsimmik nutaamik atortussangortitsisarneq piffissamik atuiffiusarteq.

Massakkorpiaq ineqarnermut tapiissutit, utoqqalinermi pensionisiat aamma siusinaartumik pensionisiat pillugit inatsisissanut nutaanut siunnersuutit Naalakkersuisunit suliarineqarput. Naalakkersuisunit ilimagineqarpoq kingusinnerusukkut kommunini sulianik ingerlatsisut inatsisissatut siunnersuutigineqartut pillugit ikiorneqartariaqassasut, soorlu pikkorissartitsinikkut, siunnersuinikkut ilitersuinikkullu il.il. Aammattaaq inatsisitigut iluarsartuussinerit atortussangortinnissaanni kommunit suliaasaqartussaassapput.

Qulaani taaneqartut tunngavigalugit Naalakkersuisunit inatsisissanut iluarsiissutigineqartut akuersissutigittinnissaat kinguneratigullu inatsisissatut siunnersuutit atortussangortinnissaannut kommuninut ikiuunnissaq samminerusimavaat. Tamakkua pissutigalugit pisortanit ikiorsiissutit pillugit inatsisissap nutaap saqqummiunnissaanut Naalakkersuisut piffissamik suli aalajangiisimangillat.

2. Imaappa, Naalakkersuisut massakut Pisortanut ikiorsiissutinut Peqqussut, inunnut kajumissuseqalersitsinngitsoq?

Peqqussut atuuttoq peqqussummut 1982-imeersumut sanilliullugu erseqqissaanerullunilu pisariillisaaneruvoq. Peqqussut 2006-imeersoq Inunnik isumaginninnermi iluarsartuusseqqinnermut Isumalioqatigiissitap isumaliutissiissutaani 1997-imeersumi kaammattuutigineqartunik nangitsiffiuvoq. Aammattaaq siunnersuut suliffeqarnermut suliaasaqarfimmi tunniunneqartartut annertunerusumik nutarterfiginerinut ilaavoq, tassani pingaaruteqarluni suliffissaaleqisut sanngiinnerusut pillugit pimoorussilluni suliniuteqarneq tamatumalu peqatigisaanik sulinerup ilinniagaqarnerullu tamatigut akilersinnaasuunissaat.

Peqqussut imaalillugu suliarineqarsimavoq suliniutini amerlanerusunik sulilersussanik qulakkeerinniffiusuni suliffimmiiginnartarnissaq aalajangiusimaneqassasoq.

Siunnersuutikkut ilaatigut pisortanit ikiorsiissutininik pisartagaqartup nammineq inuunerminut akisussaasuunerminik paasinninnissaanut piffissarlu ungasinnerusoq eqqarsaatigalugu imminut pilersugarilernissaanut piumassuseqarnerulersinniarneqarpoq. Taamaattumik pisortanit ikiorsiissutisisartup sulisinnaassutsini atorluartariaqarpaa ineriartortillugulu suliffissamik, piginnaanngorsaqqinnermik, ilinniagaqarnermik inuttullu ineriartornermik neqeroorutit ataasiakkaanut piviusorsortut atorlugit. Pisortanit ikiorsiissutininik tiguisissap nammineq pisariaqartitani piumasarianilu aallaavigalugit ikiorsiissutit tunniunneqartinnagit sunniuteqarnissaminut akisussaaqataanissaminullu periarfissinneqartussaavoq.

3. Naalackersuisut, inuit Pisortat ikiorsiissutaannik pisinnaatitaaffeqarlutik aningaasanik ineqarnerminnut akiliutissaminnik kommuneniit tunineqaannartarnerat, Inatsisissami allanngortinniirpaat?

Inatsisikkut atuutilersussakkut sapinngisamik inuiaqatigiinni ajornartorsiutaasut isiginiarneqartussaapput. Taamaammat inatsisissap piareersarnerani pissusissamisuussaaq ineqarnermut akiliutinut ikiorsiinissamut periarfissat allanngortinneqassanersut misissussallugit.

Inussiarnersumik inuulluaqqusillunga

Martha Lund Olsen